



菩薩巧喻妙慧度衆生

智 銘

「大智度論」集粹之六

菩薩愍念衆生，說諸法空，以十事喻之。十喻者：如幻、如焰、如水中月、如虛空、如響、如犍闥婆城、如夢、如影、如鏡中像、如化。是十喻爲解空法。

如幻者；諸法相雖空，亦有分別可見、不可見。譬如幻化象、馬及種種諸物，雖知無實，然色可見，聲可聞，與六情對，不相錯亂。如德女經說：「德女白佛：『若無明無內、無外、亦無內外，不從先世至今世，今世至後世，亦無真實性者，云何從無明緣行乃至衆苦集？世尊！譬如有樹，若無根者，云何得生莖、節、枝、葉、華果？』佛言：『諸法相雖空，凡夫無聞無智故，而於中生種種煩惱、煩惱因緣，作身、口、意業。業因緣作後身，身因緣受苦受樂，是中無有實作煩惱，亦無身、口、意業，亦無有受苦受樂者。譬如幻師，幻作種種事。』德女白佛言：『世尊！是幻相法爾，雖無根本，而可聞見。』佛言「無明亦如是，雖不內有、不外有、不內外有，不先世至今世，今世至後世，亦無實性，無有生者、滅者，而無明因緣諸行生，乃至衆苦集。如幻息，幻所作亦息。無明亦爾，無明盡，行亦盡，乃至衆苦集皆盡。」復次，是幻譬喻示衆生，一切有爲法，空不堅固，如說：一切諸行如幻，欺誑小兒，屬因緣，不自在，不久住，是故說，諸菩薩知諸法如幻。

如焰者，焰以日光風動塵故，曠野中如野馬，無智人初見謂爲水。男相、女相亦如是，結使煩惱日光諸行塵，邪憶念風，生死曠野中轉，無智慧者謂爲一相，爲男爲女，是名如焰。無智人

遠聖法，不知無我，不知諸法空。於陰、界、入性空法中，生人相、男相、女相。近聖法，則約諸法實相，是時虛誑種種妄想盡除。以是故，說諸菩薩知諸法如焰。

如水中月者，月在虛空中，形現於水，實法相目，在如、水性、實際虛空中，凡人心水中有我，我所相現。以是故，名如水中月。無智人，身見故，見有吾我。無實智故，見種種法。見已歡喜，欲取諸相：男相、女相等。譬如靜水中，則見月影，擾水則不見。無明心靜水中，見吾我，憍慢諸結使影。實智慧杖擾心水，則不見吾我等諸結使影。以是故，說諸菩薩知諸法如水中月。

如虛空者，但有名而無實法。虛空非可見法，遠視故，眼光轉見縹色。諸法亦如是，空無所有，人遠無漏實智慧故，棄實相，見彼我、男、女、屋舍、城廓等，種種雜物心著。又者，虛空性常清淨，人謂陰翳爲不淨。諸法亦如是，性常清淨，淫欲、瞋恚等翳故，人謂爲不淨。復次，虛空無初、無中、無後，諸法亦如是。虛空無住處，虛空無相。虛空但有名而無實。諸法亦如是，但有假名而無實，以是故，諸菩薩知諸法如虛空。

如響者，從聲有聲，名爲響。無智人謂有人語聲，智者心念是聲無人作。但以聲觸故名爲響。響事空，能誑耳根。如人欲語時，口中風還入至臍，觸臍響出，響出時觸七處退，是名語言，以是故說菩薩知諸法如響。

如犍闥婆城者：日初出時，見城門樓櫓宮殿，行人出入，日

轉高轉滅。此城但可眼見而無實有，是名犍闥婆城。無智人亦如是，空象、界、入中，見吾我及諸法，淫瞋心著，四方狂走，求樂自滿，顛倒欺誑，窮極懊惱。若以智慧知無我無實法者，是時顛倒願息，犍闥婆城非城，人心想以為城，凡夫亦如是，非身想為身，重心想為心。以是故，說如犍闥婆城。

如夢者，夢中無實事，謂之有實，覺已知無還自笑。人亦如是，諸結使眠中，實無而著，得道覺時，乃知無實，亦復自笑。以是故言如夢。無明眠力故，種種無而見有，所謂我、我所、男、女等。無明眠中，不應瞋而瞋，不應喜而喜，不應怖而怖。五道中衆生，身見力因緣故，見四種我：色陰是我、色是我所、我中色、色中我。如色受想行識亦如是。得道實智慧覺已，知無實，以是故，說諸菩薩知諸法如夢。

如影者：影但可見而不可捉，諸法亦如是。眼情等見聞覺知，實不可得。影映光則現，不映則無，諸結煩惱遮正見光，則有我相、法相影。如人影，人去則云，人動則動，人住則住。善惡業影亦如是，後世去時亦去，今世住時亦住，報不斷故，罪福熟時則出。復次，如影空無，求實不可得，一切法亦如是，空無有實。以是故，說諸法如影。

如鏡中像者，鏡中像非鏡作，非面作，非執鏡者作，亦非自然作，亦非無因緣。若無因緣應常有，若常有，若除鏡、除面，亦應自出，以是故無因緣。諸法亦如是，非自作，非彼作、非共作，非無因緣。云何非自作？我不可得故，一切因生法不自在故，諸法屬因緣故，是以非自作。亦非他作者，行無故他亦無，若他作則失罪福力。他作有二種：若善，若不善，若善應與一切樂。若不善應與一切苦，若苦樂集，以何因緣故與樂？以何因緣故與苦？若共，有二過故：自過、他過。若無因緣生苦樂，人應常樂，離一切苦，若無因緣，人若不廣作樂因，除苦因。一切諸法必有因緣，愚癡故不知，如是種種各有因緣。是苦樂，和合因緣生，先世業因，今世若好行、若邪行緣，從是得苦樂，是若樂種種因緣，以實求之，無人作，無人受，空五象作，空五象受。無智人得樂，淫心愛著，得苦生瞋恚。是樂滅時，更欲求得，如小

兒見鏡中像，心樂愛著，鏡破求索，失樂更求，亦復如是，以是故，說諸法如鏡中像，因緣中果，不得言有，不得言無，不得言有無，不得言非有非無。諸法經因緣生，無自性，如鏡中像，以是故，說諸法如鏡中像。

如化者：十四變化心，初禪二：欲界初禪。二禪三：欲界、初禪、二禪，以至五禪。是十四種變化心，作八種變化：一者，能作小乃至微塵。二者，能作大乃至滿虛空。三者，能作輕乃至如鴻毛。四者、再作自在，能以大為小，以長為短，如是種種。五者、能有主力。六者、能遠到。七者、能動地。八者、隨意所欲盡能得；一身能作多，多身能作一。一切諸法，皆無生、住、滅，以是故，說諸法如化。復次，化生先無定物，但以心生，便有所作，皆無有實。人身亦如是，本無所因，但從先世心，生今世身，皆無有實。以是故，說諸法如化。如變化心滅則化滅，諸法亦如是，因緣滅果亦滅，不自在，如化事雖實空，能令衆生憂苦、瞋恚、喜樂、癡惑，諸法亦如化。復次，如化生法，無初、無中、無後，諸法亦如是。如變化，生時無所從來，滅亦無所去，諸法亦如是。復次，如變化相，清淨如虛空，無所染着，不為罪福所污，諸法亦如是。如法性、如如、如真際，自然常淨。佛說：「觀無生，從有生得脫。依無為，從有為得脫。」雖觀無生法無，而可作因緣。無為亦爾，變化雖空，亦能生心因緣。復次，空不以不見為空，以其無實用故言空，以是故，言諸法如化。諸法雖空而有分別：有難解空，有易解空，以上十喻，是以易解空喻難解空。諸法有二種：有心著處，有心不著處。以心不著處解心著處。以上十事不久住，易生易滅，以是故，是心不著處。故以此喻諸法。

諸菩薩悉知衆生心行所趣，以十喻喻諸法空已，復以微妙慧而度脫之。菩薩知衆生心種種法中處處行，如日光徧照，菩薩悉知衆生心行有所趣向而教之。衆生趣有二種：一者心常求樂。二者、智慧分別，能知好惡。莫隨著心當隨智慧，當自責心，無數劫來，集諸雜業而無厭足，但馳逐世樂，不覺為苦。不見世間貪

(下轉第16頁)

，不畏外人之攻擊。此二者，即一面關涉真實知識之可能問題；一面關涉真實知識之確定說明問題，離此島便無真實知識，故應以此島為滿足？在此島上，一切真實知識皆可確定說明，故可有堅強之立足點。」⁹⁵

因此，業力存在問題的追求，其實正是人類形而上衝動所產生的必然結果。倘若我們不能體認到這一點，而欲設法去把這個問題作為形而上之研究對象，其幻相知識的產生將是無可避免。因此，任何形而上之假設需求，勢必會導致思想上之大混亂。所以，對於業力存在問題之唯一解決途徑，便是從根本上勘破無明，體認到思想本身之虛幻性，進而聞思證修，親證無生法忍，大徹大悟，從而遠離種種顛倒夢想，究竟涅槃，徹底圓滿成就其根本智，達到對事物本身之如如實識，契入法性之流，則一切實相問題便可迎刃而解！

(完)

註：

- ⑥2 『中觀論疏』卷八(大正二四、一一九上·No. 1844)。
⑥3 『隨相論』(大正三二、一六一下—一六二上·No. 1646)。
⑥4 『中觀論疏』卷八(大正二四、一一九下·No. 1824)。
⑥5 『中觀論疏』卷八(大正二四、一一九中·No. 1824)。
⑥6 『中論』卷三(大正三〇、二二下·No. 1564)。
⑥7 『隨相論』(大正三二、一六二上·No. 1641)。
⑥8 『中論』卷三(大正三〇、二二中·No. 1564)。
⑥9 『中論』卷三(大正三〇、二二中·No. 1564)。
⑦0 『中觀論疏』卷八(大正二四、一一九中·No. 1824)。
⑦1 『中觀論疏』卷八(大正二四、一一〇上·No. 1824)。
⑦2 『中觀論疏』卷八(大正二四、一一〇上—中·No. 1824)。
⑦3 『中觀論疏』卷八(大正二四、一一〇上·No. 1824)。
⑦4 『中觀論疏』卷八(大正二四、一一〇中·No. 1824)。
⑦5 『中觀論疏』卷八(大正二四、一一〇中·No. 1824)。
⑦6 『中觀論疏』卷八(大正二四、一一〇中·No. 1824)。
⑦7 『中論』卷三(大正三〇、二二中·No. 1564)。
⑦8 『中觀論疏』卷八(大正二四、一一〇上·No. 1824)。

- ⑦9 『中觀論疏』卷八(大正二四、一二〇下·No. 1824)。
⑧0 『中觀論疏』卷八(大正二四、一二一下·No. 1824)。
⑧1 『中論』卷三(大正三〇、二二下—二三上·No. 1564)。
⑧2 『順正理論』卷十二(大正二九、三九七中·No. 1562)。
⑧3 『順正理論』卷十二(大正二九、三九七中·No. 1562)。
⑧4 『俱舍論』卷四(大正二九、二二上·No. 1558)。
⑧5 『順正理論』卷十二(大正二九、三九八上·No. 1562)。
⑧6 『顯識論』(大正三一、八八〇下；No. 1618 與上⁹⁶所引同)。
⑧7 『大毘婆沙論』卷一五七(大正二七、七九六中·No. 1545)。
⑧8 『大毘婆沙論』卷一五七(大正二七、七九六中·No. 1545)。
⑧9 『中觀論疏』卷八(大正二四、一一八上·No. 1824)。
⑨0 『中觀論疏』卷八(大正二四、一一八上·No. 1824)。
⑨1 『中觀論疏』卷八(大正二四、一一八上·No. 1824)。
⑨2 『中觀論疏』卷八(大正二四、一一八上·No. 1824)。
⑨3 印順、『唯識學探源』(台北、慧日講堂，民六十七年十一月重三版)，頁一五八。
⑨4 『中論』卷一(大正三〇、一上·No. 1564)。
⑨5 勞思光、『康德知識論要義』(台北、河洛圖書出版社，民六十二年十二月台影印版)，頁一五九。

(上接第27頁 菩薩巧喻妙慧度象生)

樂致患，五道受生，皆心所爲。若得善調，則離世患，當知處胎不淨，苦厄猶如地獄。既生在世，老、病、死、苦，憂悲萬端。若生天上，當復墮落，三界無安，何以樂着？如是種種詞責其心，誓不隨汝，是爲菩薩知象生心行，所謂妙慧者，行、施、戒、戒、定，是名妙慧。世界巧慧。是名粗智慧。布施智是爲粗慧，戒、定智是名微妙慧。又施、戒智是爲粗慧，禪定智是名微妙慧。又禪定智是爲粗慧，無猗禪是名微妙慧。又取諸法相是爲粗慧，於諸法相不取捨，是名微妙慧。破無名等諸煩惱，得諸法相，是名粗慧。又如法相者，如真金不損不失，亦如金剛不破不壞，又如虛空無染無着，是名微妙慧。如是等無量微妙慧，菩薩自得，復教象生。以是故，說諸菩薩悉知象生心行所趣，以微妙慧而度脫之。

(完)